

DISPUTATIO MEDICA
INAUGURALIS
DE
PARALYSI.

QUAM,

FAVENTE DEO TER OPT. MAX.

Ex auctoritate Magnifici Rectoris,
D. JACOBI TRIGLANDII, I. F. IN
SS. THEOL. DOCT. ET IN ACAD. LUGD.
BAT. PROFESSORIS. ECCLESIAE
IBIDEM PASTORIS.

NEC NON

*Amplissimi Senatûs Academici Consensu, & Celeber-
rimae Facultatis MEDICAE Decreto,*
PRO GRADU DOCTORATUS,

Summisque in MEDICINA Honoribus, & Privilegiis
rite ac legitime consequendis,

Publico Examini submittit

JOHANNES VAN SPRECKELEN.

Ad diem 13 Martii, loco, horisque solitis.



LUGDUNI BATAVORUM,
Apud ABRAHAMUM ELZEVIER.
Academiae Typographum. M DC XCIX.

V I R O

Gravissimo, Spectatissimo,

DOMINO

PETRO VAN SPRECKEISEN,

Inclytæ Reipublicæ Hamburgensis Civi,

Parenti suo

Summâ Reverentiâ & Pietate

Plurimum colendo & prosequendo

cum

Studiô omnis Obsequii & Observantiæ

Hoc quaecunque est

Sacrum esse vult

Gnatus

A U T H O R.





DISPUTATIO MEDICA

INAUGURALIS

DE

PARALYSI.

§. I.



PARALYSIS est, quam Tibi, Benevole Lector, pro more Academiis receptò hæ paginæ monstrant. Denominatio Græca est, quam idcirco servare visum fuit, quia magis, quàm Latinum vocabulum usu venit: πρὸς præpositio varias, prout casum & compositionem, significationes quoque, hîc autem diminutionem sortiens, & vox λύσις à λύω solvo, construunt πρὸς λύσιν.

A 2

§. IV.

§. II.

Celsus Lib. III. c. 27. resolutionem nervorum vocat, Avicennæ interpretes teste Sennerto in Inst. Med. Lib. II. Part. III. Sect. I. c. 8. mollificationem, quia molliores ipsis hoc in casu videbantur nervi. Dominus de Roosenroot, olim qui Serenissimo Principi de Sulzbach à Consiliis fuit privatis in editione Scriptorum J. B. ab Helmont transtulit der halbe Schlag. Tempore Celsi ibi loc. cit. Apoplexiam sub Paralyfi comprehenderunt, Platerus Prax. Part. I. cap. 2. Paralyfin Particularem Apoplexiam nominat. Bruno Lexic. Medic. sub voce Paralysis. etiam dici *παρωληγίαν*, aut *παρωληγίαν*; Sennertus loco cit. Parasyfin quoque huc referri notat, quam sententiam apud Sylvium Prax. Lib. II. cap. 22. §. 39. refutatam legere licet.

§. III.

Peritus literarum Græcarum ex solo nomine qualis sit hic morbus, quem explicare animus est, conjiciet. Describimus, quod sit *Morbus nervinus, ubi motus, Medicis animalis dictus, in parte aliqua corporis cessat, cum, vel sine dolore.*

§. IV.

Motus ab Aristotele Lib. III. Phys. cap. 1. t. 9. 10. definitur; *ἡ δύναμις ὅντι ἐντελέχεια ἢ πρῶτον*: *Actus ejus, quod* (addit Sturmius Phys. Conciliatr. Part. I. c. 9. §. 6.) *etsi res aliqua revera sit, respectu tamen inducendæ novæ formæ, qualitatis, aut quantitatis, vel occupandi loci novi, potestate est, quatenus tale.* *Ἐντελέχεια* Actum interpretati sunt Aristotelis Interpretes obscurius Cicerone Quæst. Tuscul. I. significante *motionem quandam continuatam & perennem.* Verum accuratius qui vocis derivationem pensitat, inveniet illâ significari vim aliquam intrinsecam cui-
vis

vis creaturæ ab Omnipotente Creatore connatam, ope ejus hominis membra (de hominis namque morbo hic sermo est) *magnitudinem, figuram ac situm suum mutant, hinc ad diversas animales actiones peragendas à principiò intrinsecò & conformatione peculiari disponuntur, e. g. ad respirationem, sanguinis circulationem &c.* Sunt verba Bohnii in Circul. Anatom. Progymnasm. xxix. maximè cum Aristotelis verbis convenientia.

§. V.

Spiritum appellare solemus, quod non incurrit in sensus nostros, ab effectu animale. Unum esse Neoterici contendunt: Prisci animale à vitali & naturali distinguunt, id quod inter cæteros quoque rejicit J. B. ab Helmont in Tractat. Blas. §. 58. quia veretur, spiritus animales strictè sic dictos à Veteribus, rursus subdistinguendos esse pro variis, quas habent, functionibus, quod prolixum nimis foret: Attamen nihilo minus addit spiritum Vitalem in cerebrò ad gradum majoris perfectionis ascendere, & alibi dicit; De Spiritu Vitali §. 29. rem discamus intelligere, quodcumque etiam nomen pro lubitu nostrò illi imponamus. Ipsemet videtur terminò suò Blas., Animalem Spiritum, & Archæò Vitalem, aut quantum quidem ego percipere valui, formam Essentialem Vitæ indigitare. vid. Tract. Blas & de Physic. Aristot. & Galen. ignar. de Archæo &c.

§. VI.

Huic Spiritui Animali motus tanquam causæ sui proximæ ortum debet. De illius existentia dubium amplius non est, sed cum existentia essentiam involvat, nec una sine alterâ esse queat, mentem à notioribus ad ignota dirigere volumus. Videmus vulnere

grandi inflictô animam cum sanguine deficientem & hominem ad actiones ineptum. Neceſſe eſt inde ſequatur, ſanguinem ad elaborationem ſpiritus Animalis multum conferre. In hœc Authores nobiſcum conveniunt affirmantes, eum generari, ſeu ut alii loquuntur, ſegregari in cinereâ cerebri ſubſtantiâ, depoſitô ibi rubicundô ſanguinis colore, qui per anguſtiſſimas arteriarum propâgines unâ cum venis comitantibus in plexus piæ meningi ſubtenſos abeuntes veluti per ſerpentinos Alembici Canales diducitur & attenuatur, ſic ut inde ſuccum Lymphæ non abſimilem, deſœcatiffimum extrahi concipere queamus. Illum Raymundo Vieuſſenio in Nervolog. Lib. I. c. 18. placet dupliciter conſiderare; *humidiorem & craſſiorem, ſuccum cerebri nutritium & ſuccum nervoſum cum Williſiô appellat, ſiccioſiorem verò & tenuiorem lymphatici ejusdem ſucci partem, ſpiritum animale*. Non ſpectat huc, quodnam nomen demus huic nobiliſſimæ parti ex ſanguine deſtillatæ & ſummè rectificatæ, modò quod ſentiam tenuiſſimam & nobiliſſimam corporis noſtri materialis partem, B. L. intelligat. Sunt (vid. Th. Barth. de Luce Hom. & Brut. Willis de Anim. Brut.) qui igneis particulis conſtare exiſtimant. Mayow Nitro aereis tantum conſtare, variis rationibus & experimentis confirmare nititur. Cl. Bohn hoſce refutat, cujus Circulum Anatomicum inſpicere poteſt, cui variæ hâc de re & denominatione ſententiæ arrident.

§. VII.

Locus igitur ſui generationis, ut dictum, in cortice cerebri eſt, in cerebellô & Spinali medullâ; poſt albas medullæ illius fibrillas pervadit, quæ glandulis minimorum ad inſtar vaſorum ſibi invicem commu-

ni-

nicantium appenduntur. Idem à veritate non esse alienum contestatur experimentum Clarissimi Domini Ruyschii in Epist. Anat. Prob. xi. ubi arte suâ & industriâ effecit, ut liquor rubicundus vasis meseraicis exceptus, ductusve per varios illorum Mæandros in glandulis Ipsi spuriiis dictis albus apparuerit. Porro ex meditullio cerebri propagines variæ nervi dicti multis fibrillis medullaribus constantes ad varios motus edendos per totum corpus dispescuntur. Vieussenius Libr. III. c. 5. in eâ est opinione; *spiritum quendam animale unâ cum nervosâ quodam succo circularem motum in corpore obtinere, adeo, ut e nervis elapsus in diversis corporis glandulis lymphæ, quæ in ipsis ex arterioso sanguine elicitur, admisceatur & deinceps vasorum lymphaticorum, receptaculi Pecquetiani & ductus Thoracici interjectu in vasa sanguifera refundatur, in quibus activorum sanguinis principiorum vires attritas refocillet ac conservet.* Cultellus Anatomicus ea usque huc satis accuratè nondum detexit. Per angustum in augustum spatium transit Spiritus animalis, & sic in initiò lentus, post celerior; tandem in varios nervorum ramusculos divisus lentum cursum repetit transiens ad extrema usque cutis, testante id corpore reticulari Mapighii.

§. V I I I.

Quoniam igitur minutissima extrema vascula præ cæteris vicissitudini subjacent, quam plurimum circa illa Paralyfis oritur; motus & sensus desinunt, atque miser homo trunci instar decumbit, nec pes nec manus officium facere queunt. Vitiato corpore animam aut nihil agere, aut incommodius agere; inquit Erasmus. Ast cum nobis Renatus des Cartes in suis
me-

meditationibus demonstraverit, semper animam nostram cogitare atque idcirco aliquid agere, confusas quidem in ejusmodi statu cogitationes æger habet sat multas, attamen de certo aliquo objecto ad illud clarè & distinctè perspiciendum cogitare, hoc opus hoc labor erit. Hinc quod ad seriam pænitentiam attinet, homo quidem de illâ radiis divinis affulsus cogitare potest, sed beati, & plus quam beati sunt integrâ valetudine salutare hoc negotium animo volentes, imò & gratia divina suffulti perficientes! Tunc ad statum morbosum quando veniunt magis solaminis, cum quo ad corpus, tum quoad animam participes fient veri Patientes, quum aliàs impatientes ægri sint ac murmurantes contrà inevitabile Fatum. Quæ spes reconvalescentiæ ex tranquillo ægri animò & ægro & Medico detur, facile patet.

§. I X.

Proxima miseriæ nostræ, quam descripsi, causa, est Spiritus Animalis ejusque motus naturalis impeditio, vel plena abolitio, quod fieri solet & compressione & laxatione nervorum. Secundo, si Spirituum Animalium secretio in Cerebrò, Cerebellò, medullâ oblongata & Spinali non fiat justâ quantitate & qualitate, quemadmodum in sequentibus dilucidius pertractabitur. Quid mali corrupta massa Sanguinis pocreat notum est, simul & Paralyfin, ut symptoma, in per multis morbis adjungens, quales sunt; Lues Venerea, Scorbutus, Hydrops, Vermes, Melancholia, Colica, Febres Tertianæ nothæ, quæ secundum Fernelium, in Paralyfin migrant, Rachitis; Hæmorrhagiæ, Passio Hysterica, retentus mensium & Lochiorum fluxus, Cancer Mammarum Arthritis, Podagra, Spasmus, Tremor artuum, Epilepsia & Apoplexia

mentum pituitosum quoque huc referre, verum hæc duo apponere visum est, quia I. præ cæteris passionibus animi vehementibus seu fontibus multorum morborum obnoxia sunt. II. Melancholico multum particularum terrestrium, parum oleosarum & minus aquosarum inest, quæ conjuncta & ad suam proportionem aucta pituitam viscidam & tenacem constituunt. III. Colerico inultum salino volatiliū oleosarumve nonnihil adest, volatilitas secedit & materiam viscidam & tenacem relinquit. Non sanguineum, nec Phlegmaticum segrego, juncta sæpè sunt modò huic, modò illi pro varietate particularum, & videmus, quam arctè sibi invicem Temperamenta conjuncta sint. (4) Ob ætatem senilem. Ipsa Senectus morbus. Venter tonum amittit, Chylus depravatur & M. S., denique succus vel liquor nervorum deficiunt cum viribus longò tempore jam attritis.

§. XIV.

Consideratur Paralysis duplici modò, aut ratione loci, aut ipsius Affectus in se spectati. Illam dividere Authores in Paraplegiam, quando omnes sub capite partes resolvuntur, gravissimam esse speciem Paralyseos Sylvius II. Prax. cap. xx. 38. fatetur: Hemiplegiam, ubi omnes uniùs lateris membra afficiuntur. Paraplexiam, si dimidium corpus inferius, resolutum est, quamvis hanc & Paraplegiam nonnulli pro Synonymis habeant teste Brunone in Lexic. Med. Paresin, quam Sylvio loc. cit. §. 38. placet cum aliis ad comitatam referre, *quia colicos dolores sequitur & quia dolor gravis & acutus est conjunctus, adeò ut plerumque in convulsiones transeat.* Inter Priscos Medicos ejus mentionem facit Paulus Ægineta Lib. III. c. 18. & 43. & Joh. Crato Conf. 171. & 172. asse-

rit; non ad principium nervorum, sed plerumque ad musculos malum in hoc morbo transmitti. Paralyfin scorbuticam huic maximè cognatam, siquidem etiam ex malâ diætâ aërisve injuriis oriri potest.

§. XV.

Ratione ipsius Affectus *in se spectati*, vel vera, perfecta est, si sensus & motus omninò abolentur; vel imperfecta, notha; si motus aut superstitè sensu absit, aut sensus superstitè motu; sentiente ita Craniô Tr. de Homine cap. LIX. ut intelligatur, hæc quo pacto fieri possint, conferatur inter cæteros Cranius locò citatò cum Willisii. (Tom. II. Part. II. c. 9.) ratiociniis.

§. XVI.

Differentiam Genericam à cæteris morbis non attingam, quoniam ex Descriptione §. III. datâ manifesta est. Specie differt Paralyfis I. ab Apoplexiâ; uterque quidem morbus nervinus est; hæc tamen semper principia nervorum adoritur, illa non semper nervorum principiis ortum debet, ut in Paralyfi post Apoplexiam adveniente fit, sed potissimum exteriores nervorum propagines infestat. II. Apoplexia totum corpus subitò attonitum profligit; Paralyfis tantum partem interjecto aut aliquo, aut nullo temporis intervallo. Ulterius III. distinguit Etmullerus vid. in Colleg. Practic. Paralyfin à Paraplegia & Paresi, verum in verbis ero facilis, modò in re conveniamus. Suffultus autoritate Eruditione Clarorum Virorum ad species Paralyseos illas retuli. IV. A Stupore, qui aliis Crampus vel Convulsio flatulenta dicitur; hic sensus & motus debilitas; illinc abolitio est, intellige Paralyfin veram. In stupore fornicatio sensus continuo durat; in nothâ vel imperfecta etiam si motus aut sensus adsit diminutio, nulla tamen depravatio. V. A Catharrô, qui motum.

motum imminuit, non cessare facit, insuperque dolores procreat ad quamcunque vel levem motionem, plerumque & tumor associatus est, non autem veræ Paralyfi, cui adjungitur tandem Atrophia. Origine etiam discrepant; Catarrhus enim à vaporibus salino acribus à capite quasi defluentibus, aut ab incrassatione Lymphæ esse dicitur. Paralyseos autem *causa immediata & proxima est* ab impedito influxu spirituum Animalium, ut suprâ innui. Denique Catarrhi hâc curatu faciliores sunt. VI. A Tetanô, ubi nervi expansi, corpus erectum rigidumque est, qui morbus paucis diebus vel felicem vel infelicem exitum habet: In Paralyfi autem nervi potius resoluti, corpus quasi conquassatum & collapsum est, cura & difficilior & diutius durat.

§. XVII.

Significationes boni vel mali successus sunt sequentes; Inter nuncios Paralyseos referuntur stupor & tremor artuum. Pulsus durus, parvus, non nihil inordinatè intermittens (notante Ferneliô Patholog. III. 6.) ac debilis. Urinâ alba & quandoque rubea propter renum in secretionem sanguinis debilitatem. Ubi jam adest Paralyfis, *bona* signa habentur, (1) si dolor & tremor accedant. (2) Pars paralytica calore actuali, vel feбри affecta. (3) Diarrhæa superveniens. (4) Cura faciliior est in crure & pede, quam in partibus superioribus. (5) Ubi motus saltem læditur superstitite sensu. (6) In juventute. *Mala* signa observantur. (1) Paralyfis ab humore pituitosô nervorum substantiæ impactô genita, rationem vide apud Riverium Prax. I. c. 5. (2) motu & sensu simul læsô. (3) Apoplexiæ succedanea rarissimè curatur, quæque in Apoplexiam rursus degenerare

folet. (4) Resoluti lateris oculus ubi imminuitur. (5) Frigus partis affectæ calorque oppositæ. (6) Sudoris vel absentia, vel colliquatio, qui cum (7) Atrophiâ, vitæ finem imponere, aut in Apoplexia subito id præstare solet. (8) Ani & vesicæ sphinctrum resolutio in hemiplexiâ & Paraplexiâ nihil boni portendit, non æque in Paralyfi Scorbuticâ. (9) Invetrata (10) Plures partes simul infestans. (11) Impossibilis curatio ex nervorum dissectione (12) & in Senectute.

§. XVIII.

Quod si ullâ in re, sanè in curatione morborum tempori quàm maximè serviendum est. *Omnia tempus habent & suis spatiis transeunt; tempus nascendi & tempus moriendi est*, inquit Ecclesiastes 111. 1. 2. Exemplum nobis suppetit in Sacris Joh. v. 4. piscina ab Angelò agitâtâ, quæ cunctos morbos sanabat, modò observaret æger, ut in ipsò actu commotionis aquæ descenderet. Practici observant verno & æstivò facilius, quam hiemali tempore Paralyfin curari.

§. XIX.

Ad curam me accingens reperio, eam *Chyrgicam & Pharmaceuticam, Internam & Externam esse*. Insuper & *Divina* medendi methodus est captum nostrum superans, de quâ tamen quædam balbutire licet. Sacræ literæ duplicem nobis designâre; unam, quæ fit adhibitis simul mediis naturalibus visibilibus sc. argilla sputoque commixtis in restituendo cæcò. Alteram, solò verbò sine omni aliâ re; *surge, tolle lectum tuum & ambula*, illicò æger, quem Paralyticum pronunciat Th. Bartholinus *de Paralyt. N. T.* obambulavit. Quanquam qui virtutem Dei irritam

irritam haberi satagunt, naturali vocum vi affectus variave phænomena naturæ producenti illa tantum tribuent. Verum hic erat intentio plusquam mente nostrâ percipere valemus, præstare, ostendere, quantumtopere respiciat oculus Domini Fidem, quare sæpissimè de illâ apud ægros Salvator quærit, denique manifestare miseris dulce Suum nomen, sanguinem Suum animas purificantem & virtutem suam intrinsecam homini etiam externo impertitam, imò Fides quod sit verè ἐλπίζομένων ὑπόψις, πραγμάτων ἑλέγχος & βλεπομένων Ebræor. xi. 1. Post diu mos invaluit sanandi ægros precibus & fide, quod ex Jacobi monitu V. 14. liquet. Ægrorum causâ (ait Th. Bartholinus librò citatò) *Medicus in Theologiæ abdita penetret, ut si res ita postulet, tam animabus, quam corporibus medeatur absenteque Theologò non tantum affectus animi leniat, sed & fide infirmos certò solamine erigat.* Optimè adjungit Fidem, ac ubi illa & apud Medicum, & apud ægrum est, non dubitandum, quin citò, tutò & jucunde ad mentem Hippocratis cura perficiatur. Ast enim verò cum tantum non omnes Fide destituamur, Deus, ut sensus est Macarii (*Homil. XLIIIX. de Fide perfectâ in Deum*) varia medicamina potissimùm in gratiam infirmorum in Fide, Infideliumve creavit, num fortè his allekti Bonitatem summi Numinis agnoscere ipsique pro tot tantisque beneficiis meritas gratias agere velint. Opto igitur ex animò velit largitor omnium bonorum & Pater Luminum mihi omnibusque artem hanc profitentibus Fidem & Lumen suppetere ad dissipandas densas admodum tenebras, quibus in Medicinâ æque ac cæteris Scientiis circumfusi prohibemur multarum rerum cognoscere causas.

§. XX.

Cura, quæ nunc fit mediis merè naturalibus, sequenti modo institui potest. Quoad Chyrurgiam; obvenit V. S., ubi attendendum est ad omnes circumstantias, quarum minima rem variat (1) In Paralyfi Apoplexiæ superveniente (2) ex Terrore vel irâ; vel (3) ab intermissâ V. S. (4) quando Temperamentum est Colerico Plethoricum. (5.) Casus, ictus aut contusio præcesserint, ego à V. S. non abhorrerem, nisi subjectum contra indicet. Præstaret præmissis universalibus principium morbi, quam postquam duraverit aliquandiu malum, venam secare; nam quantum utilitatis attulerit, experientia mihi fuit testis; jam enim Tremor & Stupor aderant fæminæ 50. & ultrâ, annorum, quum V. S. motus pristinus fuerit restitutus, tantum abfuit, quod imbecillior facta sit. Dicti Veritatem passim apud Practicos consignatam B. L. leget. In Paralyfi à temperamento Colerico Plethorico orta Schenkius de Paralyfi & Sylvius cum aliis V. S. maximoperè commendant.

§. XXI.

Ægro à V. S. abhorrenti Cucurbitulæ cum simplicibus, tum scarificatæ in parte affecta, vel nuchis imponi possunt, quò sensus, calor & motus revocentur.

§. XXII.

Commendantur etiam Setacea & Cauteria, & summum in curandâ Paraplegia & Hemiplegia auxilium à setaceis, aut Fonticulis in cervice institutis expectandum esse Sylvius loco citato asserit tum ratione evacuationis tum ratione salis lixiviosi cauteria producentis & humorem noxium corrigentis.

§. XXIII.

§. XXIII.

De membrò resolutò urticis percutiendo Riverius cum aliis mentionem facit. De Ufu Flagrorum in re Medica videantur Th. Bartholinus & Meybomius in peculiaribus Tractatibus.

§. XXIV.

Ad Patientis vires semper respiciendum est Medico, & si evacuatione eget, nec evacuanti fert, confrictionem commendat Aëtius Tetrabib. II. Serm. I. 96. de cujus existimatione apud Priscos lege Oribasium, Celsum, Paul. Ægineta, Alex. Trallianum & modum sana ratio citatque Authores insuper monstrant. In hoc motu pori aperiuntur animaque allicitur ad remittendum eò sanguinem sufficientem & Spiritus Animales. Corpus, hæc dum ita fiunt, calidum servetur in hypocausto & linteis benè tegatur.

§. XXV.

Citius cura absolvetur, si vel post frictionem Linimenta, Unguenta & Emplastra applicantur, vel unà cum his illitæ partes ad focum fricantur, hoc pacto eorum vis intimius penetrabit.

§. XXVI.

Prostant hinc inde varia apud Practicos & in Dispensatoriis medicamina usu probata: Emplastra, Unguenta nervina, Mixturæ ex Spir. formicarum, lumbricorum terrestrium, Ol. terræ, Camph. Tinctur. Croc. paratæ. Dolæus oleum cantharidum cum aliis aromaticis conjunctum commendat. Particulæ Salino Volatiles & oleosæ Unquentorum non tantum locum affectus penetrabunt, verum & odor ex hisce per nares ad cerebrum partesve nervinas labefactatas refocillanda pertinet, in quem finem Essentia Ambræ

bræ pro lubitu Medici admisceri potest, si æger odorem ferre queat. Emplastra duplici usui inserviunt, ab injuriis aeris defendunt & subtili sua volatilitate pituitam viscidam tenacem resolvunt. Insuper citius & tutius Medicus scopum suum attinget, quando post usum Camphoræ & volatiliū in mixturis suprâ memoratis Emplastrum aliquod ex jam dictis & similibus superimponet, ne Spiritus in Camphora&c. tam subito avolent & relinquunt materiam viscido terrestrem, quæ in poros à Spirituosis maximè apertos eò commodius se insinuat. Impeditur autem illa exhalatio maxima ex parte per Emplastra, siquidem crassa sua oleositate particulas volatiles involvunt, detinent, & rursus hæ in crassam oleositatem Emplastrorum operantur, eamque ut ita loquar, volatilem reddunt. In hac actione particularum ad se invicem calor parti affectæ persalutaris augetur & diutius conservatur, quo circulatio lymphæ & sanguinis redintegretur unâ cum sufficiente affluxu Spirituum animalium in nervos. Aluminis Sylvius meminit plumosi, s. crudi, s. præparati, si oleis immisceatur, fore, ut magnum inde æger sentiat levamen. Alii post cucurbitulas & scarificationem proficuum illud invenerunt.

§. XXVII.

Hæc quidem in usum trahi possunt, si una aut altera pars saltem læsa sit. Quid autem agendum ubi Paraplexia vel Hemiplexia adest? Balnea vel *Artificialia*, vel *Naturalia* petenda sunt, unctione insuper etiam aliquid commodi ex incommodò nonnunquam afferente. Haud procul ab urbe Francofurtô ad Mœnum Thermæ sunt à serpente nomen habentes, his usus est quidam, ni fallor, Podagricus & convaluit. De Thermis tam pro Potu, quam balneo Paralyticis salu-

salutaribus vide Authores. Aquisgranenses, Embsen-
ses & Wisbadenses notæ sunt. Ars naturæ æmula eadem
invenire conatur collectis ex Regnô Minerali va-
riis e. gr. minerâ antimonii, cum ciner. clavell. nitro
vel O. coctâ &c. ex Vegetabili; nervinis cephalicis &
antiscorbuticis herbis & radicibus; ex Animalî, qualia
experientiâ sibi comprobata vid. apud Savonarolam
(Prax. Tract. VI. cap. 2.) confer & Etmullerum in Col-
legio Practico, Dolæum &c. Haud abs re foret, si
æger in balneô sedens spirituosâ naribus admoveret,
ut suprâ innui.

§. XXVIII.

Sequitur nunc *interna Cura*, quæ cum *externâ* con-
juncta utilissima erit. Occurrunt humores præparan-
tia & expurgantia. Willisius loco suprâ citatô. cathar-
sin Institutam vult circa æquinoctia terque quaterque
ex debitis intervallis repetitam. Sylvius Trochiscos
Alhandel, Hermodactilos & Mercur. dulc. commen-
dat. Boylius pilulas Lunares extollit. Doleus spe-
cifica nervina addit, ex quibus pro intentione Me-
dici variæ formæ confici queunt, quas ad omnes cir-
cumstantias apponere, brevitatis Dissertationis, cui
studeo, non permittit. Inter illa, quæ primas vias
purgant ac faciliorem reddunt medicaminum specifi-
corum operationem; Vomitoriorum usum Practici
non dissuadent, modò ægri constitutio imbellis non
prohibeat, nec æger diu ægrotaverit. Assumat itaque
Tartarum Emetic. ad mentem Ludovici paratum an.
gr. j. ad v. unde etiam leniter alvum deponet, Semi-
horâ post vel infusum Thee, vel fl. cordialium ca-
lide assumat, quò largo aquæ haustu viscida & acida
austera diluantur, dissolvantur & eò commodius evo-
mantur.

D

§. XXIX.

Ubi autem Secretio per alvum instituenda est, Decoctum ex purgantibus & nervinis simul junctis calidè bibat per duos vel tres dies, singulis diebus haustum unum.

§. XXX.

Evacuata materia heterogenea insensibilem transpirationem Medicus promoveat. Huic scopo propotui ordinariò inservire possunt Decocta ex Lignis & radicibus, Essentiæ lignorum, pulveresve diaphoretici qui cum aquis convenientibus destillatis commode assumi possunt.

§. XXXI.

Omnia hæc ad statum ægri propinanda sunt, quem partim ex ante dictis, partim ex Prudentiâ suâ Medici exercitati explorent. Videlicet in Temperamentò Melancholicò, ubi acidò austerum dominatur, alvusque adstricta, res potius per Enemata, inchoanda est, quoniam purgantia, si sint nimis fortia, motum excitant vehementiorem, quam interdum intestina ferre queunt, & si laxantia sunt, metuendumne pertingant sufficienter ad dissolvenda illa scybala eaque exercenda, quanquam meò quidem judicio purgantibus laxantia præferrem, imprimis continuata per aliquot dies, exspectando de his, quod Poëta de lapidibus canit, gutta cavat lapidem non vi, sed sæpè cadendo.

§. XXXII.

Cum autem malum hoc æque ac in Chronicis morbis sit, diu moram neçtat, medicamina ad palatum ægri sint accommodata, quin & Cibus & potus, si non planè medicamentosa, ast sanè bene ordinata sint, facilis concoctionis, & confortantia, nempe juscula ex columbis junioribus, gallinis cum Aromatibus

tibus Foliis Laur. ceras. vel communis more belgico
in olla tecta leni igne suppressionis cocto, vel etiam
carnes eodem modo assatae cum embammatibus ex
Herb. cochlear. Nasturt. Indic. & Hortens. fl. Bor-
rag. Calendul. radic. Primul. veris &c. paratis : Cibos
assumere 2. l. 3. in die, quam semel ultra modum
praestat. Potu utatur modico aliquantulum spirituofo,
praesertim calido, cujus effectus laudandos Veneran-
da Antiquitas & experientia deprædicant. Exercitia
crebri quidem, sed modica sint; à curis quantum
poterit absteineat, caveatve ne animi Affectibus abri-
piatur, sic quoque tranquilliores noctes ducet. Tan-
tum sufficiat differuisse pro Themate inaugurali. Tu
B.L. in bonam partem accipe, quæ scripta sunt, do-
nec ætate ad omnia Sapiamus rectius

F I N I S.

COROLLARIA JURIDICO MEDICA.

Quæst. I. *Num Medicus alteri Medico vitia æ-
gri ad meliorem ipsius informationem referens
dici queat Calumniator.* Negatur.

Quæst. II. *An Phrænitici, & Obsessi à Dæmone, &
à Spiritu Sancto agitati & in ipso paroxismo con-
stituti possint propriè dici habere bonum, aut ma-
lum animum?* Utrumque negatur.

Quæst. III. *An detur Actio in Phræniticos, in
Obsessos & in instinctu Spiritus Sancti agitados.*
Neg.

